

## Exercicio 5: Introduce varios contidos a través de *iframe*

### Instrucións do exercicio:

Neste exercicio práctico realizaremos unha páxina web con diferentes tipos de contidos *iframe* como un vídeo de Youtube, un timeline de Facebook e un mapa de Google maps.

### Pasos a seguir:

#### Paso 1: Preparación

Antes de comezar a editar o código necesitamos crear unha carpeta co nome de *Exercicio 5* e dentro de esta crearemos un ficheiro 'index.html'.

#### Paso 2: Estrutura básica

Dentro do ficheiro 'index.html' creamos a estrutura básica dun documento de HTML que podemos facer rapidamente en Visual Studio Code escribindo *html:5* e pulsando Enter.

#### Paso 3: Creación dun *iframe* de vídeo de Youtube

Para poder obter o código *iframe* dun vídeo de Youtube é preciso que nos dirixamos a Youtube e seleccionemos un video da nosa preferencia.

Unha vez escollido o vídeo que queremos integrar na nosa páxina web debemos pulsar o botón *Compartir* que podemos atopamos baixo o vídeo entre os botóns de *Me gusta* e *Descargar*.

Abrirase un menú con diferentes opcións de compartir e escolleremos o botón *Insertar* e copiaremos o código.

Por último, dentro das etiquetas '<body>' crearemos unha '<section>' onde meteremos unha etiqueta '<h1>' co texto *Diferentes tipos de iframe* e pegaremos o código anteriormente copiado.

Agora escribe a etiqueta '<hr>' que crea unha liña de separación.

#### Paso 4: Creación dun *iframe* de timeline de Facebook

Facebook dispón dunha páxina web para crear *iframes* de diferentes seccións da súa rede social, para crear un *timeline* debemos entrar en

<https://developers.facebook.com/docs/plugins/page-plugin> e introducir a URL da páxina de Facebook que nos guste (<https://www.facebook.com/coldplay> por exemplo) no campo dedicado a isto no formulario desta ligazón. A continuación pulsamos o botón *Obtener código* e seleccionamos *iframe* o botón que se atopa ao lado de *SDK para Javascript*.

Copiamos o código e o pegamos debaixo do código de Youtube.

Agora escribe a etiqueta '<hr>' que crea unha liña de separación.

### **Paso 5: Creación dun *iframe* de mapa de Google**

Para poder incrustar un mapa de Google Maps na nosa páxina web temos que dirixirnos a web de Google Maps na seguinte ligazón: <https://www.google.com/maps/>

O seguinte paso é buscar un lugar da nosa preferencia, por exemplo Santiago de Compostela, e pulsamos o botón de *Compartir*.

De seguido escollemos o botón *Insertar un mapa* e pulsamos *COPIAR HTML*. Este será o código que pegaremos debaixo do código de Facebook.